



LI
RO
BER

H





no. 1
Declaration du Roy sur les

EDICTS DE PACIFICA-
tion, des Duels, combats & rencontres,
defenses à tous ses subjects d'entrer en
ligues & associations tant dedans que
dehors le Royaume, & à ses officiers &
pensionnaires, de prendre gages & pen-
sions d'autres que de luy : prohibitions
des iurements & blasphemés.

Publiée en la Cour de Parlement, ledit Seigneur
Roy y seant en son liét de Iustice, le 2.

d'Octobre 1614.

*Monast. S. Benedicti Maelandicae
Congregationis S. Mauri. 1619.*

Ex libris



L. la Mennin

A PARIS,
Par FEDERIC MOREL, & P.
METTAYER, Imprimeurs ordi-
naires du Roy.

M. DC. XIV.

Avec Privilege de sa Maesté.

Case

F

39

326

1614 fisd

Handwritten text in a cursive script, possibly a signature or a list of names, located in the middle section of the page.

Handwritten text on the left side of the page, below the main signature.



Handwritten text on the right side of the page, below the main signature.

Faint, mostly illegible printed text at the bottom of the page, possibly a title or a list of contents.



DECLARATION

DU ROY SUR LES
EDICTS DE PACIFICATION,

des Duels, combats & rencontres :
defenses à tous ses subiects d'entrer
en ligue & associatiōs tant dedans
que dehors le Royaume, & à ses
officiers & pensionnaires, de pren-
dre gages & pēsiōs d'autres que de
luy : prohibition des iuremens &
blasphemes.



NOUS VY S PAR
la grace de Dieu
Roy de France,
& de Nauarre, A
tous ceux qui ces
presentes lettres verront, salut.
Ayant pleu à Dieu par sa proui-
dence & bonté, benir nostre

Regne de tant de graces & prosperitez, & conduire le cours de nos ans à l'aage de Majorité, que nous auons maintenant atteinte: comme nous auons toute occasion de le louer & remercier de l'heureuse administration de nostre Royaume, pendant nostre minorité, sous la regence & sage conduite de la Roynne nostre tres-honorée Dame & mere. Nous voulons aussi rechercher tous moyens possibles & conuenables au deuoir d'un Prince tres-chrestien, ialous de la gloire de Dieu, qui desire maintenir la paix & la tranquillité publique, pour le bié, repos, & soulagement de ses subjects; soit en faisant plus exactement obseruer les bonnes & saintes loix faictes par les Roys nos predecesseurs de tres-louable memoire: soit par les

nouvelles ordonnances que nous iugerons deuoir faire selon les occasions, & mesme sur les aduis qui nous pourront estre donnez en ceste prochaine assemblee des Estats generaux de nostre Royaume, que nous auons fait conuocquer. pour à quoy paruenir, & affin que tous nos subiects puissent en bonne paix, vnion & intelligence, viure en la crainte de Dieu, obeïssance de ses commendements, & obseruation de nos ordonnances; sans que par aucune action, le repos & la tranquillité publique, que nous desirons conseruer entre eux, soit interrompue & violee: Nous auons par l'aduis & conseil de nostre tres-honorée Dame & mere, des Princes de nostre sang, autres Princes & seigneurs principaux officiers de nostre Couronne, & plus notables

personnages de nostre Conseil,
Dict, déclaré & ordonné; disons,
declarons, ordonnons, voulons &
nous plaist, conformément à ce
que nous auons desia cy deuant
ordonné, que l'Edict du feu Roy,
nostre tres-honoré Seigneur &
Pere, donné à Nantes au mois d'A-
uril, mil cinq cens quatre-vingts
dix-huict, en faueur de ceux de la
religion pretendue reformée, en
tous les points & articles; ense-
mble les autres articles à eux accor-
dez, & les reglemens faicts, arrests
donnés sur l'interpretation ou exe-
cution dudit Edict, & en conse-
quence d'iceluy, soyent entrete-
tenus, & inuiolablement gardez
& obseruez, ainsi qu'il a esté or-
donné & executé par nostredit feu
Seigneur & pere; & les contreue-
nans punis avec seuerité, comme

perturbateurs du repos public.

Et pour asseurer d'auantage la paix & la trāquillité publique sous nostre auctorité & obeyssance, defendons à tous nosdits subjets toutes intelligences particulieres, ligues ou associations, tant dedans que dehors nostre Royaume: ny d'enuoyer sans nostre permission vers les princes estrangers, soyent amis ou ennemis : pour quelque occasion qui puisse estre : Enioignons à tous nos officiers d'y veiller songneusement, & tenir la main, à peyne d'en estre responsables: & de faire punir leur negligence, par la mesme rigueur que la desobeissance de ceux qui y contreuiendront.

Defendons en outre à tous nosdits subiects de quelque estat, qualité & cōditiō qu'ils soyent, qui ont

Estats, gages, solde ou pension de nous; de prendre, accepter ne recevoir aucuns estats, gages, solde ou pension, de quelque Prince ou seigneur que ce soit: Et de ne suiure, assister ny accompagner autres que nous, sur peyne d'estre priuez desdits gaiges, estats ou pension.

Et d'autant que l'inexecutiō del'Edict fait par le feu Roy nostre seigneur & pere pour les Duelz, Cōbats & récōtres, & depuis par nous, la desobeissance qui est renduë par plusieurs de nos subiects, au mespris de nostre auctorité, est cause de grands desordres & confusions qui offensent Dieu grandement, lequel se pourroit irriter, & deployer les fieux de son ire sur nous & sur nostre Estat, s'il n'y estoit par nous pourueu: Nous voulons & ordonnons que tous lesdits Edicts,
ordon-

ordonnances & declarations faites
par ledit feu Roy & par nous; pour
raison desdits Duels, Combats &
rencontres, soient à l'aduenir in-
uiolablement entretenus, gardez
& obseruez, selon leur forme & te-
neur: sans que ceux qui y contre-
uiendront cy après puissent trou-
uer ny esperer en nous aucune gra-
ce, sous quelque excuse, pretexte,
occasion ou consideration que ce
soit. Enioignons à tous nos Offi-
ciers de proceder contre les con-
treuenans selon la rigueur d'iceux,
sans exception de personnes quel-
conques: & à nos Procureurs ge-
neraux & leurs substitués, d'en fai-
re toutes poursuittes requises & ne-
cessaires.

Considerant aussi que la Maje-
sté diuine est grandement offensée
par les iuremens & blasphemies exe-

crables qui se commettent journellement par plusieurs, contre les Edits & ordonnances faites par les Roys nos predecesseurs : Nous auons ordonné & ordonnons, que lesdits Edicts & ordonnances seront de nouveau publiées: à ce que nul n'en pretende cause d'ignorance. Et enioignons à tous nos Iuges & officiers, chacun en leur ressort, sur peine de priuation de leurs offices de proceder contre les contreuenans, selon la rigueur contenuë en iceux, sans qu'ils s'en puissent dispenser pour quelque cause qui puisse estre, sur peine de nous en prendre à eux en leur propre & priué nom. Mandons en outre à nosdits procureurs generaux, & à leurs substituts de faire les diligences qui seront requises pour l'execution des presentes.

Si donnons en mandement à nos
amez & feaux Conseillers les gens
tenans nos Cours de Parlement,
Baillifs, Seneschaux & autres nos
Iusticiers & Officiers qu'il appar-
tiendra, que cesdites presentes, ils
facent lire, publier & enregistrer,
& le contenu en icelles executer,
garder & observer inuiolablement.

Car tel est nostre plaisir. En
tesmoin dequoy nous auons faict
mettre & apposer nostre seal.

Donné à Paris, le premier iour
d'Octobre, l'an de grace, mil six
cens quatorze.

Et de nostre Regne le cinquième.

signé,

LOVYS.


Par le Roy estant en son Conseil.

DE LOMENIE.


Et scellées du grand seel sur double queue en
cire jaune.

Leuës, publiées, & registrees,
oy et ce requerant le Procureur
general du Roy. A Paris en
Parlement, le Roy y seant,
le 2. d'Octobre, mil six cens qua-
torze.

Signé, DV TILLET.







223 272 3340923

1. La première est de l'ordre de la justice
 2. La seconde est de l'ordre de la charité
 3. La troisième est de l'ordre de la science
 4. La quatrième est de l'ordre de la sagesse
 5. La cinquième est de l'ordre de la force
 6. La sixième est de l'ordre de la beauté
 7. La septième est de l'ordre de la sainteté
 8. La huitième est de l'ordre de la gloire
 9. La neuvième est de l'ordre de la vie
 10. La dixième est de l'ordre de la mort